

四明叢書

張宗祥



碣石編

四明張氏約園開雕

序

吾鄉楊伯翼先生生當隆慶萬曆間傲骨嶙峋不可一世抱經樓藏有西清閣詩草四卷展轉而流入於北平圖書館壽鏞既鈔得之猶未刊也今刊其碣石編劉子威不輕許人者獨於伯翼詩則稱其廣肆奧微洞通情境五七言古規蘇李而馳建安七子時極其致律絕則約裁聲韻以激越音節是其嚴於格而峻於命篇者今讀伯翼復子威書自言治詩文二十年茲見其難蓋競競守古尺寸不敢黍米溢也書中不滿王李及明卿而

獨推重子威引爲知己則其學可知已居城南小築曰
脩園自謂守先人遺業檉楓柏栗隱映若碧城天風海

濤生几席閒菱菰荷芰蹲鴟薯蕷之屬至死不饑

見答天台

林存陽書其襟懷又復何如斯編賦一詩五十九爲卷上記

二傳一序一書六疏一爲卷下凡二卷錄於徐興公書

目或有言碣石未如西清之雋永或言西清少遜碣石

之沈淨屠田叔以爲兩集各具韻頡之韻洵爲知言伯

翼每謂是是非非賢賢黜不肖古今儒者大權斷斷不

可枉誠心直躬高行闊步毀譽無所護曲直無所強

見答

朱叔仁書名滿京師所交盡名士而卒與時忤嗚呼如伯翼者疆陽之氣鬱而不化其不遇於世也宜哉爰刻斯編爲之三歎民國二十五年一月後學張壽鏞序

鄞縣志本傳

楊承鯤字伯翼父美益

甬上耆舊傳

嘉靖二十六年進士

嘉靖

志歷官提學御史

四明談助

貴州布政使左參議

貴州通志大理

丞

曹志

太僕少卿承鯤少有異質嗜書尤喜讀班馬二史

工於詩年十五六爲諸生沈明臣一見奇之曰今日建

五丈旗當以楊生居吾前所謂獬兒難與爭鋒也因贈

詩呼爲德祖以是有重名爲人守古獨行於當世少所

許

耆舊傳

每謂是是非非賢黜不肖古今儒者大權斷

斷不可枉

承鯤與朱叔仁書

嘗以年家子謁尙書王世貞貞

見其行卷絕驚異承鯤默然別去

看舊傳

語人曰錢志王先

生博大心慈客持片楮求譽輒津津不休卽孺儒賈豎

人人謂王先生知己也其知己多矣僕尙庸廁其間哉

承鯤與劉子威書

旣以太學生北上作薊門行一日名滿京師

旋卽歸里於城南小築曰脩園日獻詠其中與友人書

云家有遺業一區檉楓柏栗隱映若碧城風濤生几席

間菱菰荷芰蹲鴟薯蕷之屬至死不飢伏臘之暇想足

老矣其高致若此文章高妙少善書法蕭疏似晉人所

交遊盡名士第一流

看舊傳

承鯤論文謂先民有作穀率

存焉不入彀率雖工無當也論詩厭薄王李謂暗中摸索知爲今人之詩惟誦之不類今人而不蹈古人之跡斯善矣譬之學書然方其心摹手追必盡肖古人及其成也不必盡肖乃成家可稱知言者也

靜志居詩話

年四十

卒

蔣傳○案本暖碣石編序云吾友楊伯翼謝世三載乃辛卯孟冬十二日夜夢寄三十六於予曰承鯤無

恙近居歐洛山中見黑黃二鸛鸛弟置弋已得一黑矣黃未獲也題封宛然覺而賦詩曰夢裏開緘淚欲濺驚回梁月似君顏三年書札悲今昔一夕精靈託往還卻恨帝京爲下吏不知歐洛在何山鳬鷺鸛鸛終難辨蝴蝶莊周栩栩問據是伯翼之卒當在萬曆十七年己丑

碣石編序

故友楊伯翼者傲骨嶽崎不可一世高標磊落難與干
秋式當隆慶萬曆之交蚤悟四始六義之旨逮其在日
揮塵履舄紛紜莫不願聞衛玠之談道泊乎亡後遺篇
歲月邁邁悉皆賞譽劉勰之雕龍論其年雖止四旬徵
其業可垂不朽慨其雄心無著巷慟回車之哭壯志未
酬筆拈告墓之文問詠前代五君謂顏延之允稱大手
醉吟近世七子謂楊德祖可呼小兒人徒羨其擅風雅
而裁吟詠乃不知其噓心肝而示牢騷也往予嘗選西

清集中數十篇授之剗剗而序其詩者略云備矣今再
序碣石編焉思之不休故言之不已亦從其子德遷之
微也向客有言碣石未如西清之雋永有言西清少遜
碣石之沈淨予皆不然之蓋兩集各傳色澤之葩各具
頡頏之韻客之所言未是通方矣且也伯翼之詩律中
金石伯翼之書筆矯蚪龍故誦其詩者如聆大韶并啖
袁家之果得其書者如獲片甲兼收甲帳之藏伯翼可
謂不死矣予偶檢敝籠載伯翼亡後夢中寄余尺牘因
作紀夢詩亦蘭茝臭合不以消馨而有閒也并錄於此

序曰吾友楊伯翼謝世三載乃辛卯孟冬十二日夜夢
寄三十字於余曰承鯤無恙近居甌洛山中見黑黃二
鷗鷺弟設置弋已得其一黑矣黃未獲也題封宛然字
字淒楚覺而惆悵不勝人琴之感賦詩曰夢裏開械淚
欲濟驚回梁月似君顏三年書札悲今昔一夕精靈託
往還卻恨帝京爲下吏不知甌洛在何山鷗鷺鷗鷺終
難辨蝴蝶莊周栩栩閒錄罷更加淒楚念先友之無從
見也遂成小言時予七十有六去伯翼仙逝之歲凡二
十九年而序始成萬曆丁巳孟夏望日友弟屠本峻撰

碣石編卷上

明鄭 楊承鯤伯翼著

賦

菊賦 與董伯念膳部作

夫何有此華菊兮際暄曖之杪商
庶暝寂而告殞兮淒氣切肅而變
霜鷗雞晨鳴而極悲兮蟋蟀哀而入
房俯厥民之幾隕兮愁萎翳之彷徨
誠獨遭此摧槁兮不以後時而不芳
紆翦葉之歲蕤兮韡茂華之煌煌矯
風露之高節兮薦幽遐之渥香鍾淑
氣之純和兮備五色之

中央冒隆烈而久處兮媿嫵媚之獨藏步逡巡而自理
兮似委蛇於周行又扶疏而含寂兮若隱思而凝望藉
葦郁而幽敷兮夫固飫真而懼彰淹貴賤而靡盛衰兮
豈行員而德方量六服之可補兮悲三閭之見將斯宜
喬而或谷兮將爾牛而濫觴何所遺之不辰兮當萎靡
而振揚彼瓊枝與瑤華兮又謂余之不量傷時俗之弛
陀兮誰知予之貞良淒真僞之莫辨兮惋甘苦之疇明
縱菸菀之見尋兮實約沍而愈昌直高義之不毀兮肆
獨立其何殃雖重蒙乎癯瘁兮終抱節而自傷使遑性

而可改兮曾奚以異乎祥桑願獨奏此薄技兮抗霧霰
而翱翔亂曰時之駛矣不我留兮軋沕莽晦道阻脩兮
世無良人情曷迫兮與蘭爲友桂爲仇兮樸蕢穢累誰
爲謀兮含貞佩潔增離憂兮

詩

贈錢季梁進士省覲歸壽其太夫人八十

高皇手提三尺劒坐麾四海如委翎凌煙功成賜鐵券
詔謂宇內求真形錢王古鐵漁人得紫鏞徧蝕波濤鯢
熟看帶礪隱玄玉金書細鏤魚龍青二百年來治平久

錢氏子孫多壯丁君今蔚起觀滄溟
龍精再鍾羅剎靈
豐眉脩幹照冰雪玄言五千合典刑
遂令天下望筆跡
一語出口如真經時來歛與風雲會
手掣紫電開青萍
名成進士拂衣出要與吾道爭
震霆太行白雲常在眼
東下扁舟不可轉手持瑤草身綵衣
直向階前學嬌蹇
高堂老慈念笑看錦帔素髮顏如丹
捧檄始知毛義喜
牽輿絕勝潘岳歡牛心龍炙百拜獻
寶幄獸鑪開壽宴
羊酒爭馳里門入左右共識賓朋羨
男兒得意豈有窮
有官不用三千鍾但願子貴母長健
承顏數上金花封

錢氏忠孝古有語吁嗟盛事今再逢吁嗟盛事君再逢
得不盡孝兼盡忠

錢季梁山樓宴集

花逕層層轉岑樓宛宛登江吞百谷盡風壓萬波增土
酒甘於蜜山梨冷勝冰海門餘雪在斜日玉虹蒸

送萬揮使督運之京

少年戎馬望長安萬里清霜照鐵冠九世漕艫臣節苦
屢朝綸命主恩寬吳雲漠漠旌旗遠朔雪蕭蕭檣戟寒
聖代只今優轉餉到京先見六師歡